



Seljord kommune

Arkiv:

Saksnr.: 2019/1180-2

Sakshand.: Finn-Arild Bystrøm

Direkte tlf.:

Dato: 30.07.2019

Saksframlegg

Utval	Utvalssak	Møtedato
Formannskap/økonomiutval	68/19	22.08.2019
Kommunestyret		05.09.2019

Godtgjering for folkevalte i Seljord kommune 2019-2023

Saksdokument:

Vedlegg:

- 1 Forskrift om folkevalde sin rett til godtgjersle og permisjon i Seljord kommune

Saksutgreiing:

Ny kommunelov kapittel 8, som vert gjeldande frå og med det konstituerande kommunestyremøtet 17.oktober 2019, pålegg kommunane å vedta ei forskrift om folkevalde sine rettar til godtgjersle og permisjon. Tidlegare vart desse føreseggnene nedfelt i eit reglement, men no må altså ordet forskrift stå i overskrifta, og forskrifta må kunngjerast i Norsk Lovtidend etter vedtak.

KS tilrår at det er det gamle kommunestyret som vedtek forskrifta slik at nyvalde politikarar kjenner vilkåra før valet. Det er ikkje naudsynt med anna enn vanleg saksutgreiing, politisk handsaming og vedtak.

I vedlagte forslag til ny forskrift er det gjort mindre endringar frå gjeldande reglement, og inga endringar ut over det som ny kommunelov krev:

- Folkevalde med godtgjersle som hovudinntekt – i praksis ordføraren i kommunen, skal no ha same arbeidsvilkår som tilsette når det gjeld sjukepengar og ulykkesforsikring. Ordførarar har ikkje automatisk hatt dei same rettane som tilsette i samband med sjukdom. Med dette forslaget vil ordføraren få like rettar som andre tilsette, dvs. fulle sjukepengar i eitt år.

- b) Forskrifta skal også innehalde føresegn om permisjon slik at ordførar i praksis får same vilkår som tilsette ved permisjonar heimla i Arbeidsmiljølova (svangerskap, omsorgspermisjon for born, fødselspermisjon osv.).

Utkastet til nye satsar for perioden 2019-2023 er utarbeidd i samråd med kommunestyret si oppnemnte ad-hoc arbeidsgruppe. Ad-hoc arbeidsgruppa har vore samansett av :

Edvard Mæland (H) – leiar
Trond Jonsen (Ap)
Eivind Skogheim (Ap)
Lars Bjådal (Sp)
Mogens Iversen (FrP)
Finn-Arild Bystrøm, rådmann og sekretær for ad-hoc gruppa

Det blir foreslått følgande endringar for perioden 2019-2023:

- 1) Til no har ordførar si godtgjersle fylgt og vore lik løna til rådmannen. Forslaget no er at ordførar si godtgjersle blir knytt til 85% av godtgjersla til ein stortingsrepresentant, og blir justert når stortingsrepresentantars godtgjersler blir justert
- 2) Ordførar får same rettar som andre tilsette i kommunen (til dømes permisjon, sjukdom, pensjon)
- 3) Varaordførar si godtgjersle blir halde på 20% av godtgjersla til ordførar
- 4) Satsane til kommunestyret blir justert fra 1 000 kr og blir auka med lønsprisindeks for åra 2016-2019, rekna til 11%¹, avrunda opp til nærmaste 10 krone
- 5) Godtgjersle til leiar av plan, miljø og teknisk utval blir auka med lønsprisindeks for åra 2016-2019, rekna til 11%, avrunda opp til nærmaste 10 krone
- 6) Det blir innført ei årleg godtgjersle til leiar i eldreråd på 5 000 kr som kjem i tillegg til møtegodtgjersle
- 7) Det blir innført ei årleg godtgjersle til leiar for Råd med menneske med nedsett funksjonsevne på 5 000 kr, som kjem i tillegg til møtegodtgjersle
- 8) Godtgjersle til medlemmer i formannskap blir auka med lønsprisindeks for åra 2016-2019, rekna til 11%, avrunda opp til nærmaste 10 krone.
- 9) Møtegodtgjersle pr. møte til medlemmer av Administrasjonsutval og plan, miljø og teknisk utval blir justert med lønsprisindeks for åra 2016-2019, rekna til 11%, avrunda opp til nærmaste 10 krone
- 10) Godtgjersle til leiar av kontrollutval blir auka med lønsprisindeks for åra 2016-2019, rekna til 11%, avrunda opp til nærmaste 10 krone

¹ KS sine oppgjør 2016, 2,4% - 2017, 2,4% - 2018, 2,9% - 2019-3,2% (tot 11%)

- 11) Godtgjersle til leiar av ungdomsråd blir auka med lønsprisindeks for åra 2016-2019, rekna til 11%, avrunda opp til nærmaste 10 krone
- 12) Møtegodtgjersle pr. møte til medlemmer i utval, nemnder og ad-hoc utval blir auka med lønsprisindeks for åra 2016-2019, rekna til 11%, avrunda opp til nærmaste 10 krone
- 13) Omsorgsgodtgjersle blir auka med lønsprisindeks for åra 2016-2019, rekna til 11% , avrunda opp til nærmaste krone. Satsen blir auka frå 150 kr pr. time og maks 750 kr pr. dag, til inntil 170 kr pr. time og maksimalt 840 kr pr. dag for legitimerte utgifter, avrunda opp til nærmaste 10 krone
- 14) Reisegodtgjersle blir endra frå kommunalt til statens regulativ
- 15) Dekning av tapt arbeidsforteneste skal kunne dokumenterast som reelle tap. Det er den som krev tapet dekt sitt ansvar å dokumentere eige tap.

Det vert etter søknad gitt erstatning for tap av inntekt for møte og andre oppdrag på vegne av politiske organ for inntil 7,5 time pr. dag. Tida er inkludert reise til og frå møtestaden.

Hovudregelen er at det må ha funne stad eit faktisk tap av inntekt, dvs. trekk i løn. Arbeidsgjevar har rett til å trekke arbeidstakaren i løn og krevje refusjon frå kommunen i samband med politiske møte. På line med faktisk tap av inntekt blir også rekna når heimearbeidande, studentar, pensjonistar og frilansarar må forsøme sine vanlege gjeremål for å utføre vernet. Pensjonistar må dokumentere faktisk tap av inntekt.

Folkevalde som er lønsmottakarar, må legitimere ev. tap med stadfesting frå arbeidsgjevar. Folkevalde med ytingar frå NAV vert rekna på line med lønsmottakarar. Sjølvstendig næringsdrivande får dekka tap i arbeidsinntekt etter eiga fråsegn. Skatteoppgjer blir kravd ein gong pr. år, som gjeld for etterfylgjande år, og årsinntekta blir delt på 230 dagar, og timegodtgjersla vert rekna etter 7,5 timer pr. dag (1 725 årstimar). Årsinntekta blir rekna ut frå punkt 2.7, summen av næringsinntekter i skatteoppgjeret².

Folkevalde i ulønna arbeid (heimearbeidande, studentar, og frilansarar) får ulegitimert sats når dei forsømmer sine vanlege gjeremål for å utføre vernet. Dette gjeld også deltidsarbeidande lønsmottakarar og deltidsarbeidande sjølvstendige næringsdrivande på deira heimearbeidsdagar.

Ein må sannsynleggjere å ha forsømt sine vanlege gjeremål ved å erklære dette i søknaden.

Det blir berre gitt tapt arbeidsinntekt dersom det ligg føre dokumentasjon på at vedkommande blir/er trekt i lønn, og som hovudregel i tidsrommet 08.00-16.00. Krav om tapt arbeidsforteneste mellom kl 16.00 og 08.00 samt for helg og høgtider må søkast særskild om.

² Satt i samråd med Telemark kommunerevisjon

Det blir føreslått ei endring frå dagens ordning med ei øvre grense på 540 kr pr. time og maks 4 385 kr pr. dag, til å følge ei utrekning der ein følger G-satsane og nyttar 6G som ein utrekningsfaktor for storleik på timesatsen.

1 G er grunnbeløpet i Folketrygda og er pr. 1. mai 2019³, 99 858 kr. 6G er då 599 148 kr. Eit årsverk blir rekna som 1 725 timer.

Timesats blir då 599 148 kr/ 1 725 timer = inntil 348 kr ≈ inntil 350 kr pr. time, runda opp til nærmaste 10 krone.

$$\frac{6G}{1\ 725 \text{ timer}} = \frac{(6 \times 99\ 858 \text{ kr})}{1\ 725 \text{ timer}} = 348 \text{ kr} \approx \text{inntil } 350 \text{ kr pr. time} \quad / \quad \text{Maks } 2625 \approx 2630 \text{ kr pr. dag}$$

	Pr. time	Maks pr. dag
Dagens sats 2015-2019	Inntil 540 kr	4 050 kr
Ny sats 2019-2023	Inntil 350 kr ⁴	2 630 kr

a. Legitimerte krav:

Legitime krav skal dekke reelle dokumenterbare krav.

Dagens sats på inntil 540 kr pr. time /maks 4 050 kr pr. dag, er føreslått endra til ein timesats som er linka til Folketrygdens grunnbeløp (G).

Timesatsen er sett til 6G / 1 725 timer, avrunda opp til nærmaste 10 krone.

Pr. 1. mai 2019 er timesatsen inntil 350 kr og maksimalt 2 630 kr pr. dag / 7,5 timer pr. dag

b. Ulegitimerte krav

Dagens sats på inntil 264 kr pr. time /maks 1 980 kr pr. dag, blir føreslått uendra. Dette for å oppretthalde ein tilstrekkeleg nivåforskjell på satsane etter endringane ved legitimerte krav.

c. Arbeidstid

Arbeidstid blir justert frå 08.00-17.00 til 08.00-16.00. Det blir berre gitt tapt arbeidsinntekt dersom det ligg føre dokumentasjon på at vedkommande blir/er trekt i lønn. Arbeidstid som det blir kreva tapt arbeidsforteneste på utover dette, må søkast særskild om (kveld/natt og heilagdagar og helger).

³ <https://www.nav.no/no/NAV+og+samfunn/Kontakt+NAV/Utbetalinger/Grunnbetopet+i+folketrygden>

Tabellvis framstilling:

Verv	Gjeldande satsar	%-vis i kr	Avrunda
Ordførar 85% av stortingsrepresentantar si godtgjersle ⁵	987 997 kr	839 797,45 kr	839 800 kr
Varaordførar 20% av ordførar si godtgjersle		167 959,49 kr	168 00 kr

Verv	Sats 2019-2023	+11%	Sats 2019-2023⁶
Leiar av plan, miljø og teknisk utval	30 000 kr	33 300 kr	33 300 kr
Leiar kontrollutvalet	12 000 kr	13 320 kr	13 320 kr
Leiar eldreråd			5 000 kr
Leiar råd for menneske med nedsett funksjonsevne			5 000 kr
Møtegodtgjersle kommunestyret	1 000 kr	1 110 kr	1 110 kr
Møtegodtgjersle formannskap og plan, miljø og teknisk utval	2 0000 kr	2 220 kr	2 220 kr
Møtegodtgjersle plan-, miljø og teknisk utval	1 680 kr	1 864,80 kr	1 870 kr
Møtegodtgjersle administrasjonsutval	1 680 kr	1 864,80 kr	1 870 kr
Møtegodtgjersle andre kommunale nemnder og ad hoc utval	700 kr	777 kr	780 kr
Møtegodtgjersle medlemmer av ungdomsråd	700 kr	777 kr	780 kr
Møtegodtgjersle andre politiske oppnemnde utval			780 kr

Tapt arbeidsforteneste	Satsar 2019-2023
Legitimerte krav	Inntil 350 kr pr. time, maksimalt 2 630 kr/ 7,5 timer pr. dag
Ulegitimerte krav	Inntil 264 kr pr. time, maksimalt 1 980 kr/ 7,5 timer kr pr. dag
Omsorgsorgsgodtgjersle	Inntil 170 kr pr. time og maksimalt 840 kr pr. dag

Endringane blir innarbeidd inn i ny forskrift for folkevalde sine rettar til godtgjersle og permisjon i medhald til ny kommunelov.

Rådmannen si tilråding:

Vedlagte forslag til «Forskrift om folkevalde sine rettar til godtgjersle og permisjon i Seljord» - med dei eventuelle endringar som kommunestyret vedtek, vert gjeldane for folkevalde i Seljord frå og med det konstituerande kommunestyremøtet 17.oktober 2019.

⁵ for 2019, 987 997 kr, <https://www.stortinget.no/no/Stortinget-og-demokratiet/Representantene/Okonomiske-rettigheter/Lonnsutvikling/>

⁶ Avrunda til nærmaste heile 10 kr